

第六十三冊

經濟彙編

銓衡典

祿制部

考課部

(卷)

七一六

八一六

古今圖書集成

中華書局影印

者四十斛比三百石者三十七斛二百石者三十斛比二百石者二十七斛百石者十六斛斗食十一斛佐史奉八斛

高帝十二年惠帝即位詔官吏惟給軍賦

按漢書惠帝本紀高帝十二年五月丙寅太子即皇帝位詔曰吏所以治民也能盡其治則民賴之故重其祿所以爲民也今吏六百石以上父母妻子與同居及故吏嘗佩將軍都尉印將兵及佩二千石官印者家唯給軍賦也無有所與

文帝元年詔列侯從高帝者食邑各有差

按漢書文帝本紀元年六月詔曰列侯從高帝入蜀漢者六十八人益邑各三百戶吏二千石以上從高帝穎川守尊等十人食邑六百戶淮陽守申屠嘉等十人五百戶衛尉足等十人四百戶

宣帝神爵三年詔益百石已下奉

按漢書宣帝本紀神爵三年秋八月詔曰吏不廉平則治道衰今小吏皆勤事而奉祿薄欲其母侵漁百姓難矣其益吏百石以下奉十五

注如淳曰四百石奉月六百奉昭曰若食一斛則益五斗

成帝綏和元年益大司馬大司空奉

按漢書成帝本紀綏和元年夏四月益大司馬太司空俸如丞相

如淳曰律丞相大司馬大將軍奉錢月六萬御史大夫奉月四萬

綏和二年哀帝即位詔益三百石以下奉

按漢書哀帝本紀綏和二年四月丙午太子即皇帝

位六月益吏三百石以下奉

平帝元始元年詔給致仕官奉

按漢書平帝本紀元始元年春正月令天下吏比二千石以上年老致仕者參分故祿以一與之終其身後漢

光武帝建武二十六年詔增百官奉

按後漢書光武帝本紀建武二十六年春正月詔有司增百官奉其千石已上減於西京舊制六百石已下增於舊秩按百官志百官受奉例

注古今注曰建武二十六年四月戊戌增吏奉如此志例以明也

大將軍三公奉月三百五十斛中二千石奉月百八十斛二千石奉月百二十斛比二千石奉月百斛千石奉月八十斛六百石奉月七十斛比六百石奉月五十斛四百石奉月四十五斛比四百石奉月四十二斛三百石奉月四十斛比三百石奉月三十七斛二百石奉月三十斛比二百石奉月二十七斛一百石奉月十六斛斗食奉月十一斛

漢書音義曰斗食祿日以斗爲計

佐史俸月八斛

古今注曰永和三年初與河南尹及雒陽員吏四百二十七人奉月四十五斛臣昭曰此言其安乎若人人奉四十五斛則四百石秩爲太優而無品若共進奉者人不過一斗亦非義理

凡諸受奉皆半錢半穀
荀綽晉百官表注曰漢延平中中二千石奉錢九千米七十二斛比二千石月錢六千五百米三千

六斛比二千石月錢五千米三千四斛一千石月錢四千米三千斛六百石月錢三千五百米二千

一斛四百石月錢二千五百米十五斛三百石月錢二千米十二斛二百石月錢一千米九斛百石月錢八百米四斛八十斛

詔書以三輔地不滿千里而軍師用度非一公卿已下不得奏除其若公田以秩石爲率賦與令各自收其租稅

按後漢書光武帝本紀不載按冊府元龜光武帝延平元年定中二千石俸月錢九千米七十二斛二千石錢六千米三十六斛比二千石錢五千米三十四斛千石錢四千米三十斛六百石錢三千五百米二十二斛四百石錢二千五百米十五斛三百石錢二千米十二斛二百石錢一千米九斛百石錢八百米四斛八十斛

安帝末初四年正月詔減百官及州郡縣奉各有差

按後漢書安帝本紀云云

順帝漢安二年冬十月詔減百官奉

按後漢書順帝本紀云云

桓帝延熹三年九月詔無事之官權絕奉豐年如故

按後漢書桓帝本紀云云

延熹四年秋七月京師寧減公卿以下奉

按後漢書桓帝本紀云云

延熹五年八月庚子詔減虎賁羽林住寺不任事者半俸
按後漢書桓帝本紀云云

晉

武帝泰始三年詔議增吏俸

按晉書武帝本紀泰始三年九月甲申詔曰古者以德詔爵以庸制祿雖下士猶食上農外足以奉公忘私內足以養親施惠今在位者祿不代耕非所以崇化之本也其議增吏俸

太康元年定王公以下占田及佃客之制

按晉書武帝本紀不載 按食貨志平吳之後有司奏詔書王公以國為家京城不宜復有田宅今未假

作諸國邸當使城中有往來處近郊有獨業之田今

可限之國王公侯京城得有一宅之處近郊田大國

田十五頃次國十頃小國七頃城內無宅城外有者

皆聽留之又制官品第一至于第九各以貴賤占田

品第一者占五十頃第二品四十五頃第三品四十

頃第四品三十五頃第五品三十頃第六品二十五

頃第七品二十頃第八品十五頃第九品十頃而又

各以品之高卑陸其親屬多者及九族少者三世宗

室國貴先賢之後及士人子孫亦如之而又得蔭人

以為衣食客及佃客品第六已上得衣食客三人第

七第八品二人第九品及舉職跡食前驅由基強驍

司馬羽林郎殿中允從武賁殿中武賁持戟武騎

武賁持戟允從武賁命武賁武騎一人其應有佃

客者官品第一第二者佃客無過五十戶第三品十

戶第四品七戶第五品五戶第六品三戶第七品二

戶第八品第九品一戶是時天下無事賦稅均平人

咸安其業而樂其事

按晉書武帝本紀云云

簡文帝咸安二年詔量增官俸

按晉書簡文帝本紀咸安二年三月乙卯詔曰往事故之後百度未充羣僚常俸並皆寡約蓋隨時之義也然退食在朝而祿不代耕非經通之制今查備漸豐可籌量增俸

孝武帝太元四年詔權減官俸

按晉書孝武帝本紀太元四年三月壬戌詔曰年數不登百姓多匱其詔御所供事從儉約九親供給衆

官庫俸權可減半

宋

武帝永初元年詔增百官俸

按宋書武帝本紀永初元年六月丁卯即皇帝位戊寅詔曰百官事殷俸薄祿不代耕雖國儲未豐要令

公私周濟諸供納昔減半者可悉復舊六軍見祿粗

可不在此例其餘官寮或自本俸素少者亦瞻量增

之

永初二年二月制中二千石加公田一頃

按宋書武帝本紀云云

文帝元嘉二十七年正月制州縣俸祿聽依舊除二

月減百官俸三月又減俸

按宋書文帝本紀元嘉二十七年正月辛未制交軍

二州假板郡縣俸祿聽依舊除二月以軍興減百官

俸三分之一三月乙丑淮南太守諸葛闡求減俸祿

同內百官於是州及郡縣丞尉並悉同減

孝武帝大明二年春正月詔復郡縣田秩并九親祿

俸

按宋書孝武帝本紀云云

大明四年冬十月制郡縣減祿

按宋書孝武帝本紀云云

大明五年五月制帝室親親朝官非祿官者月給錢十萬八月制方鎮所假白板郡縣年限依舊除食祿三分之一不給送

按宋書孝武帝本紀云云

大明六年二月復百官祿

按宋書孝武帝本紀云云

前廢帝末元元年二月減州郡縣田祿之半

按宋書前廢帝本紀云云

明帝泰始五年六月以軍興已來百官斷俸並給生

食

按宋書明帝本紀云云

順帝昇明元年八月復郡縣祿田

按宋書順帝本紀云云

南齊

武帝永明元年詔還郡縣丞尉田秩

按南齊書武帝本紀永明元年正月壬子詔曰經邦

之寄是資臣民守宰祿俸蓋有恆準往往以違虞告

故訟時損益今區區事舉應無損益然命勳簡能宜加

優獎郡縣丞尉可還田秩 按豫章王疑傳永明元

年疑領太子太傅宋氏以來州郡秩俸及供給多隨

土所出無有定准疑上表曰循舊宜損益資用治

在風均政由一典伏尋郡縣長尉俸祿之制雖有定

料而其餘資給復由風俗東北異源西南各精習以

為常因而弗變緩之則莫非過規澄之則靡不入罪

殊非約法明章先令後刑之謂也臣謂宜使所在各

條公用公田秩石迎送舊典之外守宰相承何有供

調尚書精加洗覈務令優衷事在可通隨宜開許損公侵民一皆止却明立定格班下四方未爲恆制從之

宋明七年詔增官俸

按南齊書武帝本紀永明七年正月戊辰詔曰諸大夫年秩墜重祿力殊薄豈所謂下車惟舊趨橋敬老可增俸許給見役

宋明八年詔增丞郎俸

按南齊書武帝本紀永明八年十二月戊寅詔尚書丞郎職繁劇郎俸未優可量增賜祿

明帝建武元年詔增邑宰俸祿

按南齊書明帝本紀建武元年十一月甲申詔曰邑宰祿薄俸微不足代耕雖任土恆貢亦爲勞費自今悉斷

建武三年詔給百官見錢

按南齊書明帝本紀建武三年十二月詔今歲不須光新可以見錢爲百官供給

東昏侯永元元年詔給三品以上官見錢

按南齊書東昏侯本紀永元元年正月詔三品清資官以上應食祿者有二親或祖父母年登七十並給見錢

梁

武帝普通七年增校尉俸秩

按梁書武帝本紀普通七年夏四月乙酉南州津改置校尉增加俸秩

大通元年詔官俸長給見錢

按梁書武帝本紀大通元年正月乙丑詔曰朕恩利

兆民惟日不足氣象環回每弘優簡百官俸祿本有定數前代以來皆多評准項者因循未遽改革自今已後可長給見錢依時即出勿令通緩凡散失官物不問多少並從原有惟事涉軍儲取公私見物不在此例

太清 年定京官唯得稟食遙帶郡縣以取祿秩

按梁書武帝本紀不載 按隋書食貨志晉自中原喪亂元帝寓居江左百姓之自拔南奔者並謂之僑人皆取舊壤之名僑立郡縣往往散居無有土著而江南之俗火耕水耨土地卑濕無有蓄積之資諸蠻販僮洞露沐王化者各隨輕重收其賸物以裨國用又嶺外酋帥因生口翡翠明珠犀象之饒雄於鄉曲者朝廷多因而署之以收其利歷宋齊梁陳皆因而不改其軍國所需雜物隨土所出臨時折課市取乃無恆法定令列州郡縣制其任土所出以爲徵賦其無貢之人不樂州縣編戶者謂之浮浪人樂輸亦無定數任量准所輸終優於正課爲郡下人多爲諸王公貴人左右個客典計衣食客之類皆無課役官品第一第二個客無過四十戶第三品二十五戶第四品三十戶第五品二十五戶第六品二十戶第七品十五戶第八品十戶第九品五戶其個數皆與大家量分其典計官品第一第二置三人第三第四置二人第五第六及公府參軍殿中監監軍長史司馬部曲督關外候材官驍騎已上一人皆通在個客數中官品第六已上并得衣食客三人第七第八二人第九品及臺置跡食前驅由基驍騎司馬羽林郎殿中冗從武賁殿中武賁持戟武騎武賁持劍冗從武

賁命中武賁武騎一人客皆注家籍其課丁男調布絹各二丈絲三兩綿八兩祿絹八尺祿綿三兩二分租米五石祿米二石丁女並半之男女年十六已上至六十爲丁男年十六亦半課年十八正課六十六免課女以嫁者爲丁若在室者年二十乃爲丁其男丁每歲役不過二十日又率十八人出一運丁役之其田畝稅米二斗蓋大率如此其度最平則三斗當今一斗釋則三兩當今一兩尺則一尺二寸當今一尺其倉京都有龍首倉即石頭津倉也臺城內倉南塘倉常平倉東西太倉東官倉所貯糴不過五十餘萬在外有義倉倉鈞磯倉錢塘倉並是大貯備之處自餘諸州郡臺傳亦各有倉大抵自侯景之亂國用常福京官文武月別唯得稟食多遙帶一郡縣官而取其祿秩焉揚徐等大州比令僕班軍柱等小州比參軍班丹陽吳郡會稽等郡同太子詹事尚書班高涼晉康等小郡三班而已大縣六班小縣兩轉方至一班品第既殊不可妄載州郡縣祿米絹布絲綿當處輸臺傳倉庫若給刺史守令等先准其所部文武人物多少由牧而裁凡如此祿秩既通所部兵士給之其家所得蓋少諸王諸王出關就第婚冠所須及衣裳服飾并酒米魚鮓香油紙燭等並官給之王及主婿外祿者不給解任還京仍亦公給云

北魏

孝文帝延興三年二月甲戌詔縣令能靜一縣劫盜者兼治二縣即食其祿
按魏書孝文帝本紀云云
太和八年六月詔增百官俸九月班行條制

按魏書孝文帝本紀太和八年六月丁卯詔曰置官班祿行之尚矣周禮有食祿之典一漢者受俸之秩逮于魏晉莫不率稽往憲以經綸治道自中原喪亂茲制中絕先朝因循未遑釐改朕未鑒四方求民之瘼夙興昧且至於憂勤故意章舊典始班俸祿罷諸商人以簡民事戶增調三匹穀二斛九斗以爲官司之祿均預調爲二匹之賦卽兼商用雖有一時之煩終克永逸之益祿行之後賦滿一匹者死變法改度宜爲更始其大赦天下與之維新九月戊戌詔曰俸制已立宜時班行其以十月爲首每季一請于是內外百官受祿有差 按食貨志太和八年始進古班百官之祿以品第各有差先是天下戶以九品混通戶調帛二匹絮二斤絲一斤粟二十石又入帛一匹二丈委之州庫以供調外之費至是戶增帛三匹粟二石九斗以爲官司之祿後增調外帛滿二匹所調各隨其土所出其司冀雍華定相秦洛懷懷充陳徐齊齊濟南豫東兗東徐十九州貢綿絹及絲繭并肆岐涇荆涼梁汾秦安營幽夏光鄧東秦司州萬年馬門上谷靈丘廣寧平涼郡懷州郡郡上郡之長平白水縣青州北海郡之膠東縣平昌郡之東武平昌縣高密郡之昌安高密夷安縣臨縣秦州河東之蒲坂汾陰縣東徐州東莞郡之昌諸東莞縣雍州馮翊郡之連坊縣咸陽郡之軍夷縣北地郡之三原雲陽劉官宜君縣華州華山郡之夏陽縣徐州北濟郡之離狐縣東海郡之輪榆襄賁縣皆以麻布充稅 太和九年詔定田祿 按魏書孝文帝本紀不載 按開府元龜文帝太和

九年十月詔均給天下民田諸宰人之官各隨近給公田刺史十五頃太守十頃治中別駕各八頃縣令郡丞六頃更代相付賣者坐如律

太和十年十一月議定州郡縣官依戶給俸

按魏書孝文帝本紀云云

太和十八年詔選減王公侯伯子男食邑

按魏書孝文帝本紀十八年十月二月己酉詔王公侯伯子男開國食邑者王食半公三分食一侯伯四分食一子男五分食一

太和十九年減開官祿

按魏書孝文帝本紀十九年五月甲申減開官祿以裨軍國之用

宣武帝延昌四年二月復百官祿

按魏書宣武帝本紀不載 按通鑑綱目云云

孝明帝神龜二年二月復減百官祿

按魏書孝明帝本紀不載 按通鑑綱目云云

孝靜帝天平二年十二月甲午文武百官量事各給祿

按魏書孝靜帝本紀云云

恭帝三年制六官祿秩

按隋書百官志周太祖制祿秩下士一百二十五石中士以上至於上大夫各倍之上大夫是爲四千石

卿一分孤三分公四分各益其一公因益數爲一萬石其九秩一百二十石八秩至於七秩每二秩六分

而下各去其一二秩俱爲四十石凡額祿視年之上

下祿至四釜爲上年上年祿其正三釜爲中年中年

祿其半二釜爲下年年祿其一無年爲凶荒不煩

祿六官所制如此制度既畢太祖以魏恭帝三年始命行之

北齊

文宣帝天保七年制定百官祿

按北齊書文宣帝本紀不載 按隋書百官志後齊

官一品每歲祿八百匹二百匹爲一秩從一品七百

匹一百七十五匹爲一秩二品六百匹一百五十匹

爲一秩從二品五百匹一百二十五匹爲一秩三品

四百匹一百匹爲一秩從三品三百匹七十五匹爲

一秩四品二百匹四十六匹爲一秩從四品二百

匹五十五匹爲一秩五品一百六十四匹四匹爲一秩

從五品一百一十三匹三十四匹爲一秩六品一百一

十五匹爲一秩從六品八十四匹二十四匹爲一秩七品

六十四匹五匹爲一秩從七品四十四匹四匹爲一秩

八品三十六匹九匹爲一秩從八品三十二匹八匹

爲一秩九品二十八匹七匹爲一秩從九品二十四

匹六匹爲一秩祿率一分以帛一分以粟一分以錢

事繁者優一秩平者守本秩閒者降一秩長兼試守

者亦降一秩官非執事不朝拜者皆不給祿又自一

品以下至於流外勳品各給事力一品至三十人下

至流外勳品或以五人爲等或以四人三人二人一

人爲等繁者加一等平者守本力閒者降一等焉州

郡縣制祿之法刺史守令下車各前取一時之秩上

上州刺史祿秩八百匹與司州牧同上中上下各以

五十匹爲差中上降下一百匹中中及中下亦以

五十匹爲差下上降中下一百匹中下下下亦各以

五十匹爲差上郡太守祿秩五百匹降清都尹五十

匹上中上下各以五十匹為差中上降上下四匹中中及中下各以三十匹為差上降中下四匹下中下下各以二十匹為差上上縣歲秩一百五十匹與郡臨澤成安三縣同上中上下各以十匹為差中上降上下三匹中中及中下各以五匹為差上降中下二匹下中下下各以四匹為差州自長史以下逮于吏吏郡縣自丞以下逮于掾佐亦皆以帛為秩郡有尉者尉減丞之半皆以其所出常調課給之其鎮將戎主軍主副幢主副逮于掾史亦各有差矣諸州刺史守令以下幹及力皆聽敕乃給其幹出所部之人一幹輪絹十八匹幹身放之力則以其州郡縣白直充後唐唐元龜作天保七年十一月制

天保九年八月減百官祿
按北齊書文宣帝本紀不載 按通鑑綱目云云
武成帝大寧四年減百官食粟
按北齊書武成帝本紀大寧四年二月壬申以年穀不登詔減百官食粟各有差

北周

武帝保定二年夏四月詔文武官立功效者准別制邑戶聽寄食他縣
按周書武帝本紀保定二年夏四月癸亥詔曰比以寇難猶梗九州未一文武之官立功效者雖錫以茅土而未及祖賦諸柱國等勳德隆重宜有優崇各准別制邑戶聽寄食他縣

隋

文帝開皇元年定諸王以下田祿各有差
按隋書文帝本紀不載 按開府元龜高祖開皇元

年十月頒新令自諸王以下至於郡督比給末葉田各有差多者至一頃少者至四十畝京官又給職分田一品給五頃每品以五十畝為差至五品則為田三頃六品二頃其下每品以五十畝為差至九品為一項縣官亦各有職分田是時京官正一品祿九百石其下每以百石為差至正四品是為三百石從四品二百五十石其下每以五十石為差至正六品是為百石從六品九十石以下每以十石為差至從八品是為五十石食封及官不判事者并九品皆不給祿其給皆以春秋二季刺史太守縣令則計戶而給祿各以戶數為九等之差大州六百二十石其下每以四十石為差至于下則三百石大郡三百四十石其下每以三十石為差至于下則百石大縣一百四十石其下每以十石為差至于下則六十石其祿唯及刺史二佐及郡守縣令
開皇十四年詔省府州縣公廩田給公卿以下職田有差
按隋書文帝本紀開皇十四年六月詔省府州縣皆給公廩田不得治生與人爭利 按食貨志先是京官及諸州並給公廩錢通易取利以給公用至十四年六月工部尚書安平郡公蘇孝慈等以為所在官司因循往昔以公廩錢物出舉與生唯利是求煩擾百姓敗損風俗莫斯之甚於是奏皆給地以營農迺易取利一皆禁止 按蘇孝慈傳孝慈進位大將軍轉工部尚書先是以百寮供費不足臺省府寺咸置廩錢收息取給孝慈以為官民爭利非興化之道上表請罷之請公卿以下給職田各有差上並嘉納焉

恭帝義寧二年定外官龍祿給田之制
按隋書恭帝本紀不載 按文獻通考義寧二年唐王為相國罷外官給祿每十斛給地二十畝

欽定古今圖書集成經濟彙編銓衡典

第七十二卷目錄

祿制部彙考二

唐一 高祖武德一則 太宗貞觀八則 高宗
永徽一則 龍朔一則 乾封一則 儀
鳳一則 中宗景龍一則 元宗開元八則
天寶八則 肅宗至德一則 乾元一則 上
元一則 代宗廣德一則 永泰二則 大曆
三則 德宗建中三則 興元一則 貞元十

銓衡典第七十二卷

祿制部彙考二

唐一

高祖武德元年定王公以下食邑及文武官祿制
按唐書高祖本紀不載 按百官志司封郎中一人
從五品上員外郎一人從六品上諸郎中員外郎品
皆如之掌封命朝會賜予之級凡爵九等一曰王食
邑萬戶正一品二曰嗣王郡王食邑五千戶從一品
三曰國公食邑三千戶從一品四曰開國郡公食邑
二千戶正二品五曰開國縣公食邑千五百戶從二
品六曰開國縣侯食邑千戶從三品七曰開國縣伯
食邑七百戶正四品上八曰開國縣子食邑五百戶
正五品上九曰開國縣男食邑三百戶從五品 按
食貨志武德元年文武官給祿頗減隋制一品七百
石從一品六百石二品五百石從二品四百六十石
三品四百石從三品三百六十石四品三百石從四
品二百六十石五品二百石從五品一百六十石六
品一百石從六品九十石七品八十石從七品七十石八

品六十石從八品五十石九品四十石從九品三十
石皆以歲給之外官則否一品有職分田十二頃二
品十頃三品九頃四品八頃五品六頃六品四頃七
品三頃五品十畝八品二頃五十畝九品二頃皆給百
里內之地諸州都督都護親王府官二品十二頃三
品十頃四品八頃五品七頃六品五頃七品四頃八
品三頃九品二頃五十畝鎮戍關津岳瀆官五品五
頃六品三頃五十畝七品三頃八品二頃九品一頃
五十畝三衛中郎將上府折衝都尉六頃中府五頃
五十畝下府及郎將五頃上府果毅都尉四頃中府
三頃五十畝下府三頃上府長史別將三頃中府下
府二頃五十畝親王府典軍五頃五十畝副典軍四
頃千牛備身左右太子千牛備身三頃折衝上府兵
曹二頃中府下府一頃五十畝外軍校尉一頃二十
畝旅帥一頃除正副八十畝親王以下又有未業田
百頃職事官一品六十頃郡王職事官從一品五十
頃國公職事官從二品三十五頃縣公職事官三品
二十五頃職事官從三品二十頃侯職事官四品十
二頃子職事官五品八頃男職事官從五品五頃六
品七品二頃五十畝八品九品二頃二品上柱國三
十頃柱國二十五頃上護軍二十頃護軍十五頃上
輕車都尉十頃輕車都尉七頃上騎都尉六頃騎都
尉四頃驍騎飛騎尉八畝雲騎武騎尉六十畝散
官五品以上給同職事官五品以上受田寬鄉六品
以下受于本鄉解免者追田除名者受口分之田墾
闢者不別給流內九品以上口分田終其身六十以
上舊私乃收凡給田而無地者畝給粟二斗京司及

州縣皆有公廩田供公私之費其後以用度不足京
官有俸賜而已諸司置公廩本錢以番官貿易取息
計員多少以為月料
太宗貞觀二年二月戊戌外官上考者給祿六月甲
申詔出使官稟食其家
按唐書太宗本紀云云
貞觀三年正月癸丑官得上下考者給祿一年
按唐書太宗本紀云云
貞觀八年給內外官地租無粟以鹽為祿
按唐書太宗本紀不載 按食貨志貞觀初百官得
上考者給祿一季未幾又詔得上下考給祿一年出
使者稟其家新至官者計日給糧中書舍人高季輔
言外官卑品食祿宜給祿養親自後以地租春秋給
京官歲凡五十萬一千五百餘斛外官降京官一等
一品以五十石為一等二品三品以三十石為一等
四品五品以二十石為一等六品七品以十五石為一
等八品九品以十石五斗為一等無粟以鹽為祿
按開府元龜貞觀八年中外書舍人高季輔上表曰仕
以應務亦以代耕外官卑品猶未得祿既離鄉井理
必貧而但妻子之懸望遠其積累饑寒之加夷惠
罕全其行為政之道期於易從若不恤其困乏難欲
俾其清儉凡在未品中庸者多正恐遠察歲出輜軒
繼軌不能肅其侵漁何以求其政術今戶口漸殷倉
廩已實料量給祿使得養親然後督以嚴科責其趨
効則庶官畢力物議斯免
貞觀十二年罷諸司公廩本錢以上戶七千人為骨
士收課給官

按唐書太宗本紀不載 按食貨志貞觀十二年罷諸司公廩本錢以天下上戶七千人爲胥士視防閑制而收其課計官多少而給之

貞觀十五年復置公廩本錢設提錢令史尋罷之詔仍給百官俸

按唐書太宗本紀不載 按食貨志貞觀十五年復置公廩本錢以諸司令史主之號提錢令史每司九人補于吏部所主錢五萬錢以下市肆販易月納息錢四千歲滿受官諫議大夫諸遂良上疏京七十餘司更一二歲提錢令史六百餘人受職太學高第諸州進士投十取五猶有犯禁羅法者况塵肆之人苟得無恥不可使其居職太宗乃罷提錢令史復詔給百官俸

貞觀十八年復給京官職田 按唐書太宗本紀不載 按食貨志貞觀十八年以京兆府岐同華鄠坊州陳地陂澤可墾者復給京官職田

貞觀二十二年復置京諸司公廩本錢 按唐書太宗本紀不載 按食貨志貞觀二十二年置京諸司公廩本錢提以令史府史胥士

貞觀二十三年九月勅諸王並宜食一千戶封 按唐書太宗本紀不載 按冊府元龜云云

高宗末徵元年給五品以上解官充侍者半俸廢公廩本錢以稅錢給百官俸料 按唐書高宗本紀末徵元年八月戊辰給五品以上解官充侍者半祿 按食貨志京諸司公廩本錢末徵元年廢之以天下租脚直爲京官俸料其後又薄

徵元年廢之以天下租脚直爲京官俸料其後又薄

徵一歲稅以高戶主之月收息給俸尋額以稅錢給之歲總十五萬二千七百三十緡一品月俸八千食料一千八百雜用一千二百二品月俸六千五百食料一千五百雜用一千三百三品月俸五千一百雜用九百四品月俸三千五百食料雜用七百五品月俸三千食料雜用六百六品月俸二千食料雜用四百七品月俸一千七百五十食料雜用三百五十八品月俸一千三百食料三百雜用二百五十九品月俸一千五百食料二百五十雜用二百行署月俸一百四十食料三十職事官又有防閑庶僕一品防閑九十六人二品七十二人三品四十八人四品三十二人五品二十四人六品庶僕十五人七品四人八品三人九品二人公主有邑士八十人郡主六十人縣主四十人外官以州府縣上中下爲差少尹長史司馬及丞減長官之半參軍博士城判司三之二主簿縣尉減丞三之二錄事司令以參軍職田爲輕重京縣錄事以縣尉職田爲輕重縣州官給以土物關監官給以年支經費折衝府官則有仗身上府折衝都尉六人果毅四人長史別將二人兵曹二人中下府各減一人皆十五日而代開府儀同三司特進光祿大夫同職事官公廩雜用不給員外官檢校判試知給祿料食糧之半散官勳官衛官減四之一致仕五品以上給半祿解官充侍亦如之四裔宿衛同京官天下置公廩本錢以典史主之收廩十之七以供佐史以下不賦粟者常食餘爲百官俸料京兆河南府錢三百八十萬太原及四大都督府二百七十五萬中都督府上州二百四十二萬下都督中州一百五

十四萬下州八十八萬京兆河南府京縣一百四十三萬太原府京縣九十一萬三千京兆河南府縣縣八十二萬五千太原府縣縣諸州上縣七十七萬中縣五十五萬中下縣二十八萬五千折衝上府二十萬中府減四之一下府十萬 龍朔三年二月減百官一月俸以作運東宮 按唐書高宗本紀云云 乾封元年詔京官給防閑庶僕百官俸出于租調 按唐書高宗本紀不載 按食貨志乾封元年京文武官視職事品給防閑庶僕百官俸出于租調運送之費甚廣公廩出舉典史有微垣墻驛田宅以免責者又以雜職供薪炭納直倍於正下 按冊府元龜乾封元年八月詔京文武官應給防閑庶僕俸料始依職事品其課及賜各依本品凡京文武正官每歲供給俸食等錢總十五萬二千七百二十員員外官不在此數外官則以公廩田收及息錢等常食公用之外充月料先以長官定數其州縣少尹長史司馬及丞各減長之半大都督府長史副都督別駕及判司准上佐以職田數爲加減其參軍及博士判試判司主簿縣尉丞各三分之一諸內外員同正員者祿料賜食食料一事以上並同正員其不同正員者祿賜食料亦同正員餘各給半職田並不給自乾元之後以常賦不給內外官俸祿各減其半矣內供奉及裏行不帶本官者祿俸食料防閑庶僕一事以上並同正官帶官者聽從多處給若帶外官者依京官給諸簡較及判試知試等官不帶內外者料度一事以上准員外官同正員例給若簡較及

判試之處正官見聞者兼給雜用其職田不願入正官者亦給其侍御史殿中及監察御史知試并同供奉裏行例

儀鳳三年王公以下計口出錢以充官俸

按唐書高宗本紀不載 按食貨志儀鳳三年王公以下率口出錢以充百官俸食防閑庶僕邑士仗身封戶

按冊府元龜儀鳳三年八月詔廩食爲費同資於上農厥俸所類並課於編戶因地出賦則沃瘠未均據丁收物則勞逸不等俸之富教其可得乎永念於斯裁懷量創如開文武內外官應給俸料課錢及公廩料度封戶租調等遠近不均貴賤有異輸納簡選事甚艱難運送脚錢損費實廣公廩出舉迴易典史因此侵漁撫字之方豈合如此宜令王公已下百姓已上率口出錢以充防閑庶僕邑士白直折衝府仗身並封戶內官人俸食等料既依戶次貧富有殊載詳職務繁簡不類率錢給用須有等差宜具條例并各逐便

中宗嗣聖元年太后以京官俸薄給品子課錢及公廩本錢

按唐書武后本紀不載 按食貨志光宅元年以京官八品九品俸薄詔八品歲給庶僕三人九品二人文武職事三品以上給親事帳內以六品七品子爲親事以八品九品子爲帳內歲納錢千五百謂之品子課錢三品三公開府儀同三司百三十人嗣王郡王百八人上柱國領二品以上職事九十五人領三品職事六十九人柱國領二品以上職事七十三人

領三品職事五十五人護軍領二品以上職事六十二人領三品職事三十六人二品以下又有白直執衣二品白直四十人三品三十二人四品二十四人五品十六人六品十人七品七人八品五人九品四人二品執衣十八人三品十五人四品十三人五品九人六品七品各六人八品九品各三人皆中男爲之防閑庶僕皆滿歲而代外官五品以上亦有執衣都護府不治州事亦有仗身都護四人副都護長史司馬三人諸曹參軍士二人上鎮將四人中下鎮將

上鎮副三人中下鎮副各二人鎮倉曹開令丞戊主副各一人皆取於防人衛士十五日而代宿衛官三品以上仗身三人五品以上二人六品以下及散官五品以上各一人取於番上衛士役而不收課親王出藩者府佐史典軍副典軍有事力人數如白直諸司諸使有守當及應子以兵及勳官爲之白直執衣以下分三番周歲而代供役不踰境後皆納課仗身錢六百四十防閑庶僕白直錢二千五百執衣錢一千其後親事帳內亦納課如品子之數州縣典史捉公廩本錢者收利十之七舊戶幸免徭役貧者破產甚衆秘書少監崔沔計戶均出每丁加升尺所增蓋少流亡漸復倉庫充實然後取正賦罷新加者

元宗開元六年始加賦以給官俸

按唐書元宗本紀不載 按通鑑綱目開元六年八月始加賦以給官俸唐初州縣官俸皆令富戶掌錢出息以給之至破產者祿少監崔沔計州縣官俸於百姓常賦之外徵有所加以給之從之

開元十年復稅戶以給百官令宰相食實封戶

按唐書元宗本紀不載 按食貨志開元十年罷天下公廩本錢復稅戶以給百官籍內外職田賦逃還戶及貧民罷職事五品以上仗身

按唐書元宗本紀開元十年春正月甲子省王公以下親品官悉佐及京三品以上官仗身職員乙丑停天下公廩錢其官人料以稅戶錢充每月准舊分例數給戊申內外官職田除公廩田園外並官收給逃還戶及貧下戶欠丁田十一月乙未初令宰相共食實封三百戶

按冊府元龜開元十年正月甲子勅王公以下親品國官及京官五品以下每月別給仗身悉停凡京司文武職事官五品以上給防閑一品九十六人二品七十二人三品四十八人四品三十二人五品二十四人六品以下給庶僕六品五人七品四人八品三人公主邑士八十人郡主六十人縣主四十人特封縣主二十四人京官任兩職者從多給凡州縣官皆有白直二品四十人三品三十二人四品二十四人五品十六人六品十人七品六人八品五人九品四人凡諸親王府屬並給士力數如白直其防閑庶僕白直士力納課者每年不過二千五百執衣元不過一千文防閑庶僕舊制季分月俸食料雜用即月分諸官應月給乙丑命有司收內外官職田以給逃還貧下戶其職田以正倉粟畝二升給之

開元十六年十一月敕文武百官俸料錢所給物宜依時價給

按唐書元宗本紀不載 按冊府元龜云云

第六七三篇 之〇五葉

第六七三篇 之〇五葉

開元十八年給京官職田復置天下公廩本錢
按唐書元宗本紀不載 按食貨志開元十八年復
給京官職田州縣籍一歲稅錢爲本以高戶提之月
收應以給外官復置天下公廩本錢收應于之六

按舊唐書元宗本紀開元十八年三月辛卯改定州
縣上中下戶口之數依舊給京官職田
按開府元龜開元十八年九月御史大夫李朝隱奏
請薄稅一年稅錢充本依舊令高戶及真正提隨月
收供官人料錢

開元十九年置職田
按唐書元宗本紀不載 按食貨志開元十九年置
職田頃畝簿租價無過六斗地不毛者畝給二斗
按開府元龜開元十九年四月勅天下諸州縣並府
鎮戍官等職田四至頃畝造帳申省仍依元租價對
定六斗以下者依舊以上者不得過六斗
開元二十二年二月勅京官兼外州都督刺史大都
督府長史俸料並宜兩給

按唐書元宗本紀不載 按開府元龜云云
開元二十四年始定月俸錢
按唐書元宗本紀不載 按食貨志開元二十四年
令百官防閑庶僕俸食祿用以月給之總稱月俸一
品錢三萬一千二百品二萬四千三百品萬七千四百品萬
一千五百六十七品九千二百六品五千三百七
品四千一百八品二千四百七十五品九百一
十七祿米則歲再給之一品七百斛從一品六百斛
二品五百斛從二品四百六十斛三品四百斛從三
品三百六十斛四品三百斛從四品二百五十斛五

品二百斛從五品百六十斛六品百斛自此十斛爲
率至從七品七十斛八品六十七斛自此五斛爲率
至從九品五十二斛外官降一等先是州縣無防人
者籍十八以上中男及殘疾以守城門及倉庫門謂
之門夫番上不至者開月督課爲錢百七十忙月二
百至是以門夫資課給州縣官

按開府元龜開元二十四年六月勅百官料錢宜令
爲一色都以月俸爲各各據本官隨月給付其貲米
宜令入祿數同申應合減折及申請時限並依常式
一品三十一千月俸八千食料一千八百防閑二十
千雜用一千二百文二品二十四千月俸六千食料
一千五百防閑一十五千五百雜用一千文三品十
七千月俸五千食料一千一百防閑一十千雜用九
百文四品一十一千八百六十七文月俸四千五百
食料七百防閑六千六百七十七雜用六百文五品九千
二百月俸三千食料六百防閑五千雜用六百文六
品五千三百月俸二千三百食料四百庶僕二千二
百雜用四百文七品四千五百月俸一千七百五十
食料三百五十庶僕一千六百雜用三百五十五文八
品二千四百七十五月俸一千三百食料三百庶僕
六百二十五雜用二百五十文九品一千九百一十
七月俸一千五十食料二百五十庶僕四百一十七
雜用二百文

開元二十九年分諸司職田于都畿
按唐書元宗本紀不載 按食貨志開元二十九年
以京畿地狹計丁給田猶不足於是分諸司官在都
者給職田於都畿以京師地給貧民

按開府元龜開元二十九年三月勅京畿地狹人戶
殷繁計丁給田尚處不足兼充百官苗子固難周濟
其諸司官令分在都者宜令所司具作定額計應受
職田並於都畿給付其應退地委採訪使與本州長
官勘會同給仍未爲常式

天寶元年詔公廩職田毋督絲課
按唐書元宗本紀不載 按食貨志天寶元年時河
南北職田兼稅桑詔公廩職田有桑者毋督絲課
按開府元龜天寶元年六月勅如開河東河北官人
職田既納地租仍收桑課田樹桑稅人何以堪自今
以後官人及公廩職田有桑一切不得更徵絲課
天寶二年勅定俸料

按唐書元宗本紀不載 按開府元龜天寶二年十
一月勅京官兼太守等官俸料兩給者停其外官太
守兼京官除准式親王帶京官任外官副大將軍者
副使知軍及政事京官兼內外官知政事據文合兼
給者餘并從一處給任逐穩便
天寶三載勅定給料錢

按唐書元宗本紀不載 按開府元龜天寶三載三
月勅郡縣關職錢送納大府寺自今以後納當郡充
員外官料錢不足即收正官料錢分若無員外官當
郡分

天寶五載勅罷郡縣白直計數加稅以給料錢
按唐書元宗本紀不載 按食貨志天寶初給員外
郎料天下白直歲役丁十萬有詔罷之計數加稅以
供用人皆以爲便自開元復置使甚衆每使各給雜
錢宰相楊國忠身兼數官堂封外月給錢百萬幽州

此為試讀，需要完整PDF請訪問：www.ertongbook.com

平盧節度使安祿山隴右節度使哥舒翰兼使所給亦不下百萬

按冊府元龜天寶五載三月勅郡縣官人及公廨白直天下約計一載破十萬丁已上一丁每月戌錢二百八文每至月初當處徵納送縣來往數日功程在于百姓尤是重役其郡縣白直計數多少請用料錢加稅充用其應差一充白直望請並停一免百姓艱辛二省國家丁壯

天寶六載定給封物

按唐書元宗本紀不載 按冊府元龜天寶六載三月戶部奏請道請實封人准長行百三百戶已下戶部給符就州請受三百戶已上附庸使送南京大府寺賜坊給符者今緣就州請受有損於人今三百戶已下尚許復請公私之間未免侵擾望一切送至兩京就此給付即公私省便侵損無礙又准戶部式節文諸食封人身歿已後所得封物隨其男數為分承嫡者加一分至元孫即不在分限其封物入承嫡房一依上法為分者如此則元孫請物比於嫡男計數之間多較數倍舉輕明重理實未過望請至元孫已下准元孫直下一房許依令式餘並請停惟祭享一分百代不易自無爭競未勳勳庸無著

天寶十一載勅諸郡給官錢

按唐書元宗本紀不載 按冊府元龜天寶十一載十二月勅諸郡員外官無關職處均取正官料給錢數不定頗為勞煩自今已後關料官收員外官依式取官錢准給

天寶十二載定百官職田送租者給縣倉納直

按唐書元宗本紀不載 按食貨志十二載楊國忠以兩京百官職田送租勞民請五十里外輪于縣倉斗納直二錢百里外納直三錢使百官就請于縣然縣吏欺盜蓋多而聞司有不能自直者

按冊府元龜天寶十二載十月勅兩京百官職田承前個人自送道路或遠勞費頗多自今已後其職田去城五十里內者依舊令個人自送入城自餘並限十月內便於所管縣並即價貯納其脚價五十里外每斗各徵二文一百里外不得過三文並令百官差本司人請受

天寶十四載加百官俸

按唐書元宗本紀不載 按食貨志天寶十四載兩京九品以上月給俸加十之二同正員加十之一兵興權臣增領諸使月給厚俸比開元制祿數倍

按冊府元龜天寶十四載八月制曰王制下士視上農周政庶人倍祿者衣食既足廉恥乃知至如資用靡充或貪求不已敗名冒法實此之極嚴較之下尤難取給其在西京文武九品已上正員官既親於職務可謂勤心自今後每月給俸食雜用防閑庶僕等宜十分率加二分其同正員官加一分仍為常式

肅宗至德二年以兵興減百官俸

按唐書肅宗本紀不載 按食貨志至德初以用物不足內外官不給料錢郡府縣官給半祿及白直品子課

按冊府元龜至德二年四月勅天下都府及縣官祿白直品子等課從今載正月一日以後並量給一半事平之後當續支還

乾元元年又減百官俸

按唐書肅宗本紀不載 按食貨志乾元元年亦給外官半料及職田京官給手力課而已

上元元年令京官職田以時輸送

按唐書肅宗本紀不載 按食貨志上元元年復令京官職田以時輸送受加耗者以枉法贓論其後籍以為軍糧矣

代宗廣德二年稅青苗錢給百官俸

按唐書代宗本紀廣德二年七月庚子初稅青苗按通鑑綱目廣德二年七月稅青苗錢給百官俸

末泰元年以軍興百官納職田助費

按唐書代宗本紀不載 按唐書代宗本紀末泰元年閏十月丁亥百寮上表以軍興急于糧餉請納職田以助軍費從之

末泰二年春正月減于孫襲實封者半租五月稅青苗地錢以充百官俸料末為常式十一月詔以州縣及折衝府職田賑京官

按唐書代宗本紀不載 按食貨志末泰末取州縣及折衝府官職田苗子三之一市輕貨以賑京官

按舊唐書代宗本紀末泰二年春正月王申減子孫襲實封者半租末為常式五月丙辰稅青苗地錢使殿中侍御史光裔諸道稅地迴是歲得錢四百九十萬貫自乾元已來天下用兵百官俸錢折乃議於天下地畝青苗上量配稅錢命御史府差使徵之以充百官俸料每年據數均給之歲以為常式十一月丙辰詔京兆府今年合徵八十二萬五千石數內宜減放一十七萬五千石青苗地頭錢三分取一在京諸

司官員久不請俸頗聞艱辛其諸州府縣官及折衝府官職田據苗子多少三分取一隨處羅貨市輕貨以送上都納青苗錢庫以助均給百官

大曆二年復給京兆畿縣官職田增京官及諸道副使以下料錢

按唐書代宗本紀不載 按食貨志大曆元年敕天下青苗錢得錢四百九十萬續輸大盈庫封太府左右藏儲而不發者累歲二年復給京兆府及畿縣官職田以三之一供軍餽增發青苗錢一畝至三十權臣月俸有至九十萬者刺史亦至十萬楊綰常哀為相增京官正員官及諸道觀察使都團練使副使以下料錢初檢校官同中書門下平章事者月給錢十二萬至是戶部侍郎判度支韓滉請同正官從高而給之文官一千八百五十四員武官九百四十一員月俸二十六萬繼而增給者居三之一

大曆三年增百官廚料

按唐書代宗本紀不載 按舊唐書代宗本紀大曆三年十一月癸巳加應下百官廚料增舊五分之一

大曆四年勅定王公以下殺錢有差

按唐書代宗本紀不載 按舊唐書代宗本紀大曆四年春正月戊子勅有司定王公士庶每戶秋錢分上中下三等 按食貨志大曆四年正月十八日勅有司定天下百姓及王公已下每年稅錢分爲九等上上戶四千文上中戶三千五百文上下戶三千文上中戶二千五百文下中戶二千文下下戶一千五百文下上戶一千文下中戶七百文下下戶五百文其見官一品準上上戶九品準下下戶餘品準依

此戶等稅若一戶數處任官亦每處依品納稅其內外官仍據正員及占額內闕者稅其試及同正員文武官不在稅限

大曆十二年加在京文武官料錢各有差

按唐書代宗本紀不載 按舊唐書代宗本紀大曆十二年四月己酉加京官料錢文武班諸司共二千七百九十六員文官一千八百五十四員武官九百四十二員歲加給十五萬六千貫並舊給凡二十六萬貫

按冊府元龜大曆十二年四月度支奏給京百司文武官及京兆府縣官每月料錢太師太傅太保太尉司徒司空侍中中書令每月各一百二十貫文中書門下侍郎各一百貫文東宮三太左右僕射各八十貫文東宮三少各七十貫文六尚書御史大夫太常卿各六十貫文常侍宗正卿太子詹事國子祭酒各五十貫文左右丞及諸司侍郎給事舍人中丞賓客殿中監祕書監司農等卿將作等監各四十五貫文太子左右庶子太常少卿各四十貫文諫議諸司少卿少監各三十五貫文國子司業內侍東宮三卿各三十貫文郎中侍御史司天監少詹事諸王傅國子博士諡德中允中舍殿中祕書太常宗正丞各二十五貫文殿中侍御史著作郎大理正都水使者總監內常侍給事中各二十貫文員外郎通事舍人起居王府長史各十八貫文監察御史臺主簿補闕王府司馬司天少監太子典內太常博士主簿宗正主簿門下錄事主簿各十五貫文拾遺司議太子祕書著作佐郎國子太學四門廣文等博士大理司直

詹事府及諸寺監丞副者監中書門下主事各十二貫文洗馬贊善諸寺監主簿詹事府司直各一十貫文評事各八貫文諸較正各六貫文諸奉御九成宮總監諸王諮議友諸陵令各九貫二百文城門符寶國子助教六局郎王府掾屬太常侍醫文學錄事參軍主簿記室諸衛及六軍長史兩市令諸副總監武庫署令太公廟令各五貫三百文太子通事舍人東宮三寺丞國子太學廣文助教內坊丞諸直長內寺伯千牛衛及諸率府長史諸陵丞諸陵署諸王府判司司竹溫泉監尚書都事都水及諸總監丞司天臺丞太子侍醫諸司上局署令及王府國令苑四面副監公主邑司令各四貫一百一十六文國子四門助教律學博士協律郎內諸署諸衛六軍左右衛率府等衛佐諸王府參軍大農都省兵吏禮考功主事春坊錄事司竹副監諸司中局署令都水主簿諸司上局署及監廟邑司丞司天臺臺郎保章臺正太常針醫及醫監尚藥局司醫各四千四百七十五文太祝奉禮省中諸行主事門下典儀御史臺殿中祕書內侍省春坊詹事府主事諸寺監諸衛六軍諸司錄事諸司中局署丞及大理獄丞諸司府作監事殿諸司監錄事殿中省醫佐食醫奉醫司庫司庫奉乘鴻臚寺掌客司儀太僕寺主簿內坊典直司天臺司辰司曆監內侍省宮教博士東宮三省主簿太常大樂鼓吹丞醫正按摩呪禁博士及針醫卜助教國子書算博士及助教諸王國子丞尉諸總監主簿各一千九百一十七文武官左右金吾大將軍各四十五貫文六軍大將軍左右金吾將軍各四十貫

建中三年詔減百官月俸以助軍費增復之

按唐書德宗本紀不載 按食貨志建中三年復減百官料錢以助軍李泌爲相又增百官及畿內官月俸復置手力資課歲給錢六十一萬六千餘緡文官千八百九十二員武官八百九十六員左右衛上將軍以下又有六雜給一曰糧米二曰鹽三曰私馬四曰手力五曰隨身六曰春冬服私馬則有獨豆手力則有資錢隨身則有糧米鹽春冬服則有布絹絁絁絁射生神策軍大將軍以下增以鞋比大厝制祿又厚矣州縣官有手力雜給錢然俸最薄者也李泌以度支有兩稅錢鹽鐵使有筭榷錢可以擬經費中外給用每實墊二十號戶部除陌錢復有開官俸料職田錢積戶部號戶部別貯錢御史中丞專掌之皆以給京官歲費不及五十五萬兩京兆和羅度支給諸軍冬衣亦往往取之減王公以下末業田郡王職事官從一品田五十頃國公職事官正二品田四十頃郡公職事官從二品田三十頃縣公職事官正四品田十四頃職事官從四品田十一頃尚郡主檢校四品京官者月給料錢三十萬祿百二十石尚縣主檢校五品京官者料錢二十萬祿百石自李泌增百官俸當時以爲不可脫削矣然有名存而職廢額去而俸在者宰相李吉甫建議減之遂爲常法於時祠祭蕃夷賜宴別設皆長安萬年人吏主辦二縣置本錢配納實積戶牧息以供費諸使提錢者給腰免徭役有罪府縣不敢劾治民間有不取本錢立虛契子孫相承爲之書有贖人破首詣兩廐使納利錢受贖貨罪御史中丞柳公綽奏諸使提錢戶府縣得捕役給

牒者毀之自是不得錢者不納利矣議者以兩省尚書自御史臺總樞樞正百寮而倍稱息利非駁官之體

按唐書德宗本紀建中三年春正月辛未詔供御及太子諸王常膳有司宜減省之於是宰臣上言減堂廚百官月俸請三分省一以助軍從之

貞元元年勅賜功臣實封并百寮俸錢

按唐書德宗本紀不載 按開府元龜貞元元年正月內勅諸軍諸使諸道應赴奉天及進收京城將士等或百戰摧敵或萬里勤王扞國金城驅除大憝濟危難者其節著復社稷者其業崇我圖爾功特加典錫名疇賦未代無窮宜並賜名奉天定難功臣其有食實封者子孫相繼代代不絕十二月詔京官及畿官俸料所司准元數支給自巡幸奉天轉運路阻故百寮俸錢或至闕絕帝慮其貧乏故全給之

貞元元年詔賜百官俸錢職田

按唐書德宗本紀不載 按開府元龜貞元元年十二月詔曰百辟卿士實惟股肱項屬聚處捐家徇節累經寇難靡不因窮泊復上京專道歡威官俸既薄公田不收外虧導從之儀內懷凍餒之戚朝列尚南燕人何堪軫於深衷良用愧慙應文武常參官等宜共錫錢七萬貫委度支據班秩職事及所損職田多少量等級從今至明年四月以來隨月支給凡厥多士宜悉朕懷是時初復京邑蟬早穀價翔貴人多困乏帝愍之故賜百官焉

貞元二年詔增勳臣祿秩

按唐書德宗本紀不載 按舊唐書德宗本紀貞元二年九月詔左右金吾及十六衛將軍故事皆擇勳臣出鎮方隅入居侍從自天寶艱難之後衛兵雖然廢缺將軍品秩猶高此誠文武勳臣出入轉遷之地宜增祿秩以示優崇並宜加給料錢及隨身糧課仍舉故事置武班朝參其廩下食亦宜加給其十六衛各置上將軍一人秩從二品左右金吾上將軍俸料次於六統軍支給欲求政理必藉兼才文武選還不全限隔自今內外文武缺官於文武班中量才望相參敘用依故事於本衛量置衛兵所司條件以聞

貞元三年閏五月詔省州縣官俸料以助軍七月詔復之十一月勅加給百官俸料

按唐書德宗本紀不載 按舊唐書德宗本紀貞元三年閏五月庚申詔省州縣官員上州留上佐錄事參軍司戶司士各一員中州上佐錄事參軍司戶司兵各一員下州上佐錄事司戶各一員京兆河南兩府司錄判司及四赤丞簿尉量留一半諸赤畿縣面令丞尉各一員時宰相張延賞請減官收俸料以助軍討吐蕃故也七月乙卯詔朕頃緣與師備邊資用不給遂權議減官以務集事近聞授官者皆已隨牒之任扶老攜幼盡室而行俸祿未請歸還無所衣冠之弊流寓何依其先勅所減官員並依仍舊初既減員內外各怨張延賞聞李泌初入相乃諷諫官論之乃下此詔

按開府元龜貞元三年十一月勅京官宜加給料錢初張延賞大減黜官員人人骨怨是年李泌作相請復之以從人欲因是罷去衆試額內占闕等官又奏請加百官俸料各據品秩以定月俸而隨曹署間劇

二年九月詔左右金吾及十六衛將軍故事皆擇勳臣出鎮方隅入居侍從自天寶艱難之後衛兵雖然廢缺將軍品秩猶高此誠文武勳臣出入轉遷之地宜增祿秩以示優崇並宜加給料錢及隨身糧課仍舉故事置武班朝參其廩下食亦宜加給其十六衛各置上將軍一人秩從二品左右金吾上將軍俸料次於六統軍支給欲求政理必藉兼才文武選還不全限隔自今內外文武缺官於文武班中量才望相參敘用依故事於本衛量置衛兵所司條件以聞

貞元三年閏五月詔省州縣官俸料以助軍七月詔復之十一月勅加給百官俸料

按唐書德宗本紀不載 按舊唐書德宗本紀貞元三年閏五月庚申詔省州縣官員上州留上佐錄事參軍司戶司士各一員中州上佐錄事參軍司戶司兵各一員下州上佐錄事司戶各一員京兆河南兩府司錄判司及四赤丞簿尉量留一半諸赤畿縣面令丞尉各一員時宰相張延賞請減官收俸料以助軍討吐蕃故也七月乙卯詔朕頃緣與師備邊資用不給遂權議減官以務集事近聞授官者皆已隨牒之任扶老攜幼盡室而行俸祿未請歸還無所衣冠之弊流寓何依其先勅所減官員並依仍舊初既減員內外各怨張延賞聞李泌初入相乃諷諫官論之乃下此詔

按開府元龜貞元三年十一月勅京官宜加給料錢初張延賞大減黜官員人人骨怨是年李泌作相請復之以從人欲因是罷去衆試額內占闕等官又奏請加百官俸料各據品秩以定月俸而隨曹署間劇

二年九月詔左右金吾及十六衛將軍故事皆擇勳臣出鎮方隅入居侍從自天寶艱難之後衛兵雖然廢缺將軍品秩猶高此誠文武勳臣出入轉遷之地宜增祿秩以示優崇並宜加給料錢及隨身糧課仍舉故事置武班朝參其廩下食亦宜加給其十六衛各置上將軍一人秩從二品左右金吾上將軍俸料次於六統軍支給欲求政理必藉兼才文武選還不全限隔自今內外文武缺官於文武班中量才望相參敘用依故事於本衛量置衛兵所司條件以聞

加置手力資課雜給等帝皆許之人以為便

貞元四年詔給百官月俸

按唐書德宗本紀不載 按舊唐書德宗本紀貞元四年春正月辛巳李泌以京官俸薄請取中外給用除陌錢及關官俸外一分職田額內官俸及刺史執刀司馬軍事等錢令戶部別庫貯之以給京官月俸令御史中丞賈泰專掌之歲得錢三百萬貫謂之戶部別處錢朝臣歲不過五十萬常有二百餘萬以資國用

按開府元龜貞元四年正月申書門下奏京文武及京兆府縣官總三千七十七員據元給及新加每月當錢五萬一千四百四貫六百一十七文一年都當六十一萬六千八百五十五貫四百四十三十四萬八千五百貫四百文舊額二十六萬八千三百五十五貫四文新加一千八百九十員文官二百各二百貫文三公各一百八十貫文侍中中書令各一百六十千文門下中書侍郎左右僕射太子三太各一百三十千文六尚書御史大夫太子三少各一百貫文常侍太常宗正卿京兆尹各九十貫文左右丞諸司侍給舍中丞賓客詹事國子祭酒諸卿監內侍監各八十貫文諫議庶子太常宗正少卿各七十貫文司業少詹事諸少卿少監內侍各六十五貫文諭德諸曹郎中東宮三卿各五十貫文員外郎起居侍御史王府長史著作郎太子中舍人中允國子博士太常宗正殿中祕書等丞大理正都水使者京都總監內常侍各四十貫文補闕殿中侍御史通事舍人各三十五貫文拾遺監察司天少監王府司馬贊善洗馬

奉御陵令內給事典內太常博士司舍太常宗正御

史臺主簿中書主簿門下錄事各三十貫文太子文學祕書郎著作佐郎郎中門下錄事郎太學廣文四門博士大理司直大理詹事諸寺監丞內謁者監中書門下主事各二十五貫文評事國子助教王府諮議友司天正官正六局郎諸衛六軍長史諸寺及詹事主簿詹事司直太子通事舍人東宮三寺丞太子文學廣文助教千牛衛及率府長史七品陵丞都水丞諸直長各二十貫文四門助教協律郎諸衛及六軍衛佐較書正字奉禮太祝尚書都事九成宮總監各十六千文典儀都水主簿率府衛佐諸司主事御史臺主事各十二貫文諸寺監內侍省詹事府司天臺錄事主事各八貫文王府錄事詹事府主簿侍御醫兩市中書武庫署令武成王廟令司天丞各十貫文內坊丞內寺主王府判司王府國令諸司上局署令太子侍醫公伯邑司總監丞司竹溫泉監七品陵廟令司天臺主簿各六貫文律學博士內謁者王府參軍諸司中局署令王府大農諸上局署丞邑丞司天臺郎保章挈壺正京苑四面監太常醫博士及醫監八品陵廟令尚藥局司醫司竹溫泉監丞各四千文諸司中局署丞大理丞丞鴻臚堂客諸司監善監作監事錄事計官屬佐食醫掌藥太僕主乘僕寺典乘軍衛率府親勅期府兵典典膳兩令司天臺司農司詹事府內坊典直內侍省宮教博士太常寺樂正及醫士正九品陵廟丞苑四面監丞王府國丞尉按摩呪禁筮博士及針醫助教諸總監主簿國子書算及律助教各三千文八百九十六員武官七十二

員四品各一十七千三百五十五文一百三十六員五

品各一十八千八百文九十六員六品各七千九百五十文九十八員七品各六千一百七十四文一百三十六員八品各三千七百一十二文五分五百五十八員九品各二千八百七十五文五分並雜給較簿每貫加五百文支給一十員諸衛上將軍左右衛本料各六十千加糧賜等每月各糧米六斗鹽七合五勺手力七人資一十千五百私馬五匹草三百束料九石七斗五升隨身十五人糧米九石鹽一斗一升三合五勺春衣布一十五端絹三十四匹冬衣綿一十五匹絹三十匹綿三十匹二員左右金吾衛並准此一十二員左右武衛等本料五十五千文加糧料等每戶手力五人資七千五百私馬四匹草三百三十二束料六石六斗隨身一十三人糧米七石八斗春衣布十三端絹二十六匹綿二十四匹一十六員諸衛大將軍左右衛左右金吾衛本料四十千五百續加等准上隨有減一人餘物隨人減計左右武衛等雜衛本料二十六千文續加等每月各手力四人資二千私馬三匹草一百六十束料四石九斗五升隨身一十八人糧米六石春衣布一十端絹三十匹冬衣布十四匹絹三十四匹綿二十七匹三十員諸衛將軍左右衛左右金吾衛本料三十六千續加准上左右武等雜衛本料三十千續加每月手力各三人資四千五百私馬兩匹草一百一十束料三石三斗隨身八人糧米四十八斗春衣布八端絹一十六匹冬衣布八匹絹一十六匹綿十六匹六員統軍本料各六十五千續加等春冬衣一副每月糧米六斗鹽

十合五勺私馬五匹草料同金吾隨身餘推諸衛上將軍六軍大將軍本料各六十千文續加並准諸衛大將軍六軍將軍本料三十千文續加並准左武等雜衛將軍射生神策大將軍本料三十六千文續加私馬五匹草料准上隨身十四人七人給衣不給料七人給糧米四石三斗鹽一斗五升春衣布一十四端絹二十八匹鞋十四量冬衣布十四匹絹二十八匹綿二十八匹射生神策將軍本料三十千文續加私馬三匹草料准上隨身一十二人六人給衣不給料六人全給糧米三石六斗鹽九升春衣布一十二端絹二十四匹鞋十二量冬衣布十二匹絹二十四匹綿二十四匹鞋十二量京兆府縣官惟兩縣尉減五千文餘並同大曆十二年四月二十八日勅右中書門下准去年十一月二十八日勅京官宜加料錢准勅商量議件如前勅旨依二月詔以中外給用除陌及課官俸外官一分職田俸額內官俸及刺史執刀司馬軍事等錢令實參專掌之以給京文武官俸料先是京官俸薄多不自贍帝時命有司厚其月給自是京官益重頗優裕焉初除陌錢度支帝以度支自有兩稅及鹽鐵權酒錢物以充經費是錢宜別貯之給京官俸料之餘以備他用自此戶部別庫歲貯錢物僅三百萬賈京師俸料所費不過五十萬賈其京兆和糧物價及度支給諸軍冬衣或關悉以是充之他用之外常貯僅二百萬賈國計賴焉八月勅准田令末業田職事官從一品郡王各五十頃國公若職事官正一品各四十頃郡公若職事官從二品各三十五頃縣公若職事官從三品各二十頃侯若職

事官正四品各十四頃伯若職事官從四品各十頃
貞元五年詔給郡縣主尋季錢有差
按唐書德宗本紀不載 按開府元龜貞元五年十一月詔郡縣主尋有正員官停者郡主每季給七十千縣主每季給五十千已亡歿者亦准支給先是其主尋或官罷者頗不自給帝務於睦睦故有是命
貞元七年詔給郡縣主尋錢有差
按唐書德宗本紀不載 按開府元龜貞元七年十一月詔郡主尋簡較四品京官者月給三十千歲給祿粟百二十石縣主尋簡較五品京官者給俸二十千祿粟百石其正官欲從舉選者聽之如登朝不用此制
貞元八年二月勅增當道開員俸祿七月減州縣官俸八月勅食實封人悉依令式
按唐書德宗本紀不載 按舊唐書德宗本紀貞元八年二月癸酉劍南西川節度使韋皋奏請有當道開員官吏增其俸祿從之
按開府元龜貞元八年七月減山南西道州縣官俸八月戶部奏准貞元七年三月二十日勅節文比來食實封人多不依令式皆身歿之後子孫自申請傳襲伏請自今以後并今日以前應食實封人並一年內准器具合襲子孫官品年名并母氏嫡庶於本貫陳牒如無本貫即於食封人本任本使申牒如合襲人有罪疾及身死者亦限一周年內申牒請立以次合襲人仍俱家口陳牒請附籍帳本貫勸責富家及近親如實是嫡長即與責保准式附貫然後申省到

後即取文武職事三品正員一人充保勅旨宜依貞元十年詔朝臣卒者給俸料以為贈贈
按唐書德宗本紀不載 按舊唐書德宗本紀貞元十年二月丁卯詔君臣之際義莫重焉每聞薨殯長深悼側應文武朝臣薨卒者其月俸料宜全給仍更准本官一月俸料以為贈贈
貞元十一年定文武官職田及公廩田造簿期限
按唐書德宗本紀不載 按開府元龜貞元十一年八月屯田奏諸州府送納內外文武官職田及公廩田四至日簿等件簿書准天寶十四年八月十二日勅每年六月十三日勘造申省如建本判官牒吏部先用關本典准法科處者伏以地段佃戶並無改移隨年造簿實有勞費今請令諸州府及畿內縣三年一送違限者准科處勅旨每年造簿事乃近煩三年一申又為大簡如外官並須勘造切慮因此擾人宜令應管京官職田等州府所造文簿二年一送餘依
貞元十二年奏定公府錢數
按唐書德宗本紀不載 按開府元龜貞元十二年四月禮部尚書李齊運奏當司本錢至少廚食闕絕請准祕書省大理寺例取戶部關職官錢二千貫文充本收利以助公廚可之是年御史中丞王顏奏簡勘足數十王廚二十貫十六正宅三百九十二貫八百二十五文門下省三千九百七十貫四十文中書省五千九百九十八貫集賢院四千四百六十八貫八百文崇文館五百貫文弘文館七百二十六貫二百文太清宮一千貫文史館一千三百一十貫四百